



جدوال قمبراچان خطبه جمعة

Siri 3/ 2023

(Bulan Mac Tahun 2023)

ب	تاجوق	تاریخ
1.	شعبان: بولن عبادة دان قعامقونن	3 Mac 2023M/ 10 Syaaban 1444H
2.	چینتا سوغشغ	10 Mac 2023M/ 17 Syaaban 1444H
3.	مرتبکن وانیتا	17 Mac 2023M/ 24 Syaaban 1444H
4.	اهلا یا رمضان	24 Mac 2023M/ 2 Ramadan 1444H
	خطبه کدوا	

دبیایاء:



زکاة فولاو فینغ

دتریبیتکن:



جابتن حال إحوال اکام اسلام فولاو فینغ



Jawatankuasa Panel Semakan Teks Khutbah Negeri Pulau Pinang

- 1. SS Dato' Seri Dr. Haji Wan Salim bin Wan Mohd Noor
(Pengerusi)**
Mufti Kerajaan Negeri Pulau Pinang
- 2. Y.Bhg Dato' Rosli bin Othman**
Ahli Jawatankuasa Fatwa Negeri Pulau Pinang
- 3. Prof. Madya Dr. Atikullah bin Abdullah**
Pensyarah, Pusat Pengajian Ilmu Kemanusiaan,
Universiti Sains Malaysia
- 4. Ustaz Ahmad bin Hashim**
Ketua Pusat Pengajian Tahfiz Al-Quran,
Kolej Islam Teknologi Antarabangsa Pulau Pinang (KITAB)
- 5. Ustazah Rohayati binti Daud**
Mantan Penyelaras Program Intervensi Kaunseling,
Universiti Sains Malaysia
- 6. Ustaz Mohd Salmi bin Shaimi**
Ahli Jawatankuasa Fatwa Negeri Pulau Pinang
- 7. Ustaz Subki bin Mohamed**
Pensyarah, IPG Kampus Tuanku Bainun
- 8. Ustaz Mohd Hanif bin Omar @ Wahab
(Setiausaha)**
Ketua Penolong Pengarah, Bahagian Dakwah
Jabatan Hal Ehwal Agama Islam Pulau Pinang (JHEAIPP)





Sya'aban: Bulan Ibadah dan Pengampunan

(3 Mac 2023M / 10 Syaaban 1444H)

الْحَمْدُ لِلَّهِ الَّذِي مَنَّ عَلَيْنَا شَعْبَانَ بِمَوَاسِمِ الْخَيْرَاتِ، وَأَبْقَى فِي أَعْمَارِنَا لِنَزْدَادَ
مِنَ الْحَسَنَاتِ،
وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، وَأَشْهَدُ أَنَّ مُحَمَّدًا عَبْدُهُ وَرَسُولُهُ
صَلَّى اللَّهُ وَسَلَّم عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ وَالتَّابِعِينَ إِلَى يَوْمِ الدِّينِ
أَمَّا بَعْدُ؛ فَاتَّقُوا اللَّهَ، عِبَادَ اللَّهِ، أَوْصِيكُمْ وَإِيَّايَ بِحَقِّ التَّقْوَى، وَرَاقِبُوهُ فِي السِّرِّ
وَالنَّجْوَى.

SAUDARAKU SIDANG JUMAAT SEKALIAN

Saya menyeru kepada diri saya dan hadirin agar bertakwa kepada Allah **سُبْحَانَهُ وَتَعَالَى** dengan sebenar-benar takwa iaitu dengan melakukan segala perintah-Nya dan meninggalkan segala larangan-Nya. Marilah kita sama-sama meningkatkan amal soleh khususnya di bulan Sya'aban ini sebelum memasuki bulan yang terdapat ganjaran yang lebih besar iaitu bulan Ramadhan.

Khatib ingin mengingatkan agar jemaah sekalian meninggalkan urusan dunia sebentar, pasangkan *mode* senyap pada telefon bimbit, jangan berbual-bual, tidak menggerakkan tabung kutipan jumaat serta berikanlah sepenuh perhatian kepada khutbah ini.

Jadikanlah khutbah ini sebagai panduan diri dan pengisian yang akan dibawa pulang kepada keluarga. Justeru, marilah kita sama-sama



mendengar khutbah yang bertajuk: **“Sya’aban: Bulan Ibadah dan Pengampunan.**

SIDANG JUMAAT SEKALIAN,

Apakah itu malam nisfu Sya’aban? Apakah amalan-amalan yang kita perlu lakukan di dalam bulan Sya’aban?

Ketahuilah bahawasanya setiap perbuatan yang dilakukan oleh manusia di atas muka bumi ini akan dicatat oleh malaikat dan diangkat setiap hari pada waktu siang dan malam. Lalu dibentangkan pada hari Isnin dan Khamis dan setiap tahun pada bulan Sya’aban sepertimana sabda Baginda Nabi ﷺ. Diriwayatkan daripada Abu Hurairah رَضِيَ اللَّهُ عَنْهُ:

Maksudnya: *“Amalan seseorang akan dibentangkan pada hari Isnin dan Khamis, maka aku lebih suka amalanku dibentangkan ketika aku sedang berpuasa.”* (Hadis Riwayat At- Tirmizi)

Selain itu dalam hadis yang lain yang diriwayatkan oleh Usamah bin Zaid رَضِيَ اللَّهُ عَنْهُ. Beliau berkata “Wahai Rasulullah, aku tidak pernah melihat engkau berpuasa dalam satu bulan sebagaimana engkau berpuasa di dalam bulan Sya’aban? Nabi ﷺ bersabda:

ذَلِكَ شَهْرُ يَغْفُلُ النَّاسُ عَنْهُ بَيْنَ رَجَبٍ وَرَمَضَانَ، وَهُوَ شَهْرٌ تُرْفَعُ فِيهِ الْأَعْمَالُ إِلَى رَبِّ الْعَالَمِينَ، فَأَحِبُّ أَنْ يُرْفَعَ عَمَلِي وَأَنَا صَائِمٌ.”

Maksudnya: *“Itu adalah bulan yang mana manusia sering lalai akannya iaitu bulan yang berada di antara Rejab dan Ramadhan. Bulan tersebut adalah bulan yang diangkat amalan-amalan kepada Rabbul’alamin (Allah ﷻ), maka aku suka ketika amalanku diangkat dalam keadaan aku sedang berpuasa.”*

(Hadis Riwayat An-Nasai)



Hadis ini jelas menunjukkan bahawasanya Baginda Nabi ﷺ mengingatkan kita tentang kelebihan bulan Sya'aban dan disunatkan berpuasa dalam bulan Sya'aban, terdapat beberapa pandangan ulama' berkaitan dengannya iaitu:

1. Sunat berpuasa dalam bulan Sya'aban secara amnya.
2. Dibolehkan puasa sunat pada hari nisfu Sya'aban iaitu pada 15 Syaaban .
3. Dibolehkan puasa sunat pada 16-30 Sya'aban bagi orang yang biasa berpuasa sunat sebelum itu.
4. Haram puasa sunat pada 16-30 Sya'aban bagi orang yang tidak melazimi puasa sunat sebelum itu.
5. Dibolehkan puasa wajib seperti puasa qada', nazar dan seumpamanya pada 16 hingga 30 Sya'aban.

SIDANG JUMAAT RAHIMAKUMULLAH,

Apabila disebut tentang bulan Sya'aban, ingatlah bahawasanya terdapat satu malam yang disebut malam nisfu Syaaban iaitu malam 15 Sya'aban. Banyak kelebihan yang diberikan oleh Allah ﷻ pada malam tersebut. Antaranya:

Pertama: Pada malam nisfu Sya'aban diampunkan dosa kecuali mereka yang menyekutukan Allah (syirik) dan orang yang bermusuhan. Daripada Mu'az bin Jabal رَضِيَ اللَّهُ عَنْهُ, bahawa Nabi ﷺ bersabda:

يَطَّلِعُ اللَّهُ إِلَى خَلْقِهِ فِي لَيْلَةِ النُّصْفِ مِنْ شَعْبَانَ فَيَغْفِرُ لَجَمِيعِ خَلْقِهِ
إِلَّا لِمُشْرِكٍ أَوْ مُشَاجِنٍ

Maksudnya: “Allah ﷻ melihat makhluk-Nya pada malam nisfu Sya'aban kemudian mengampunkan semua makhluk-Nya



kecuali orang yang menyekutukan Allah dan juga orang yang bermusuhan.”
(Sahih Ibnu Hiban)

Ingatlah para hadirin sekalian, bahawasanya orang yang bermusuhan tidak akan mendapat keampunan daripada Allah *سُبْحَانَهُ وَتَعَالَى*. Ini ada disebut di dalam hadis sahih, daripada Abu Hurairah *رَضِيَ اللَّهُ عَنْهُ*, bahawa Nabi *صَلَّى اللَّهُ عَلَيْهِ وَسَلَّمَ* bersabda yang bermaksud:

“Sesungguhnya pintu-pintu syurga dibuka pada hari Isnin dan Khamis maka diampunkan setiap hamba yang tidak syirik kepada Allah dengan sesuatu kecuali bagi orang yang antara dia dan saudaranya saling bermusuhan. Lalu dikatakan: Tangguhkanlah dua orang ini sehingga mereka berdamai, tangguhkanlah dua orang ini sehingga mereka berdamai, tangguhkanlah dua orang ini sehingga mereka berdamai”.

(Hadis Riwayat Muslim)

Kedua: Malam diperkenankan doa oleh Allah *سُبْحَانَهُ وَتَعَالَى*

Imam Syafie *رَحِمَهُ اللَّهُ* menyatakan di dalam kitabnya Al Umm, “Doa adalah mustajab pada 5 malam, iaitu malam Jumaat, malam Aidil Adha, malam Aidil Fitri, malam awal bulan Rejab, dan malam nisfu Sya’aban.”

Marilah kita bersama-sama mengambil peluang dengan kelebihan yang ada pada malam nisfu Sya’aban tersebut dengan memperbanyakkan amal ibadah sama ada dengan membaca Al-Quran, mendirikan solat sunat seperti solat tahajud, witr, berzikir, bertasbih, bertahmid, bertakbir dan lain-lain. Dalam surah At-Taubah ayat 105:

وَقُلْ أَعْمَلُوا فَسَيَرَى اللَّهُ عَمَلَكُمْ وَرَسُولُهُ وَالْمُؤْمِنُونَ وَسَتُرَدُّونَ إِلَىٰ عِلِّمِ الْغَيْبِ
وَالشَّهَادَةِ فَيُنَبِّئُكُم بِمَا كُنتُمْ تَعْمَلُونَ ﴿١٠٥﴾

Dan katakanlah: “Bekerjalah kamu, maka Allah dan Rasul-Nya serta orang-orang mukmin akan melihat pekerjaanmu itu, dan



kamu akan dikembalikan kepada (Allah) yang mengetahui akan yang ghaib dan nyata, lalu diberitakan-Nya kepada kamu apa yang telah kamu kerjakan.”

HADIRIN SIDANG JUMAAT RAHIMAKUMULLAH,

Mengakiri khutbah, suka khatib membuat sedikit kesimpulan:

Pertama: Bulan Sya'aban merupakan bulan yang diangkat amalan namun ia sering dilupakan.

Kedua: Umat Islam diseru di dalam bulan ini agar meningkatkan kualiti dan kuantiti ibadah seperti solat, membaca Al-Quran, berzikir dan lain-lain terutamanya di malam nisfu Sya'aban.

Ketiga: Umat Islam diseru agar memperbaiki silaturrahim dan ukhuwah.

Keempat: Umat Islam diseru agar memperbanyakkan *istighfar* dan *taubat* kepada Allah *سُبْحَانَهُ وَتَعَالَى*.

Kelima: Umat Islam dilarang daripada melakukan amalan yang bertentang dengan syariat Islam.

Firman Allah *سُبْحَانَهُ وَتَعَالَى* dalam surah Az-Zariyat ayat 56:

وَمَا خَلَقْتُ الْجِنَّ وَالْإِنْسَ إِلَّا لِيَعْبُدُونِ ﴿٥٦﴾

Maksudnya: “Dan Aku tidak menciptakan jin dan manusia melainkan supaya mereka mengabdikan kepada-Ku.”

بَارَكَ اللَّهُ لِي وَلَكُمْ فِي الْقُرْآنِ الْعَظِيمِ، وَنَفَعَنِي وَإِيَّاكُمْ بِهِدْيِ سَيِّدِ الْمُرْسَلِينَ، أَقُولُ
مَا سَمِعْتُمْ، وَأَسْتَغْفِرُ اللَّهَ لِي وَلَكُمْ، وَلِسَائِرِ الْمُسْلِمِينَ مِنْ كُلِّ ذَنْبٍ، فَاسْتَغْفِرُوهُ،
إِنَّهُ هُوَ الْغَفُورُ الرَّحِيمُ.





خطبة كدوا بولن مچ

2023M/ 1444H

الْحَمْدُ لِلَّهِ عَلَى آلَائِهِ وَإِحْسَانِهِ، وَالشُّكْرُ لَهُ عَلَى تَوْفِيقِهِ وَامْتِنَانِهِ،
وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ تَعْظِيمًا لِسَانِهِ،
وَأَشْهَدُ أَنَّ مُحَمَّدًا عَبْدُهُ وَرَسُولُهُ دَاعِيًا إِلَى رِضْوَانِهِ.
صَلَّى اللَّهُ وَسَلَّم عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ، عَدَدَ خَلْقِهِ وَرِضَا نَفْسِهِ،
وَزِنَةَ عَرْشِهِ وَمِدَادَ كَلِمَاتِهِ.
أَمَّا بَعْدُ، فَيَا عِبَادَ اللَّهِ، اتَّقُوا اللَّهَ تَعَالَى رَبَّكُمْ حَقَّ تَقَاتِهِ، وَاعْمَلُوا بِطَاعَتِهِ
وَمَرْضَاتِهِ، ثُمَّ اْعْلَمُوا أَنَّ اللَّهَ سُبْحَانَهُ وَتَعَالَى أَمْرُكُمْ بِأَمْرٍ بَدَأَ فِيهِ بِنَفْسِهِ؛ فَقَالَ عَلِيمًا
حَكِيمًا:

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا

﴿الأحزاب: 56﴾

اللَّهُمَّ صَلِّ وَسَلَّم عَلَى عَبْدِكَ وَرَسُولِكَ مُحَمَّدٍ نِ الْبَشِيرِ النَّذِيرِ، وَالسَّرَاجِ الْمُنِيرِ،
وَارْضَ اللَّهُمَّ عَنْ آلِهِ وَصَحَابَتِهِ أَجْمَعِينَ، وَعَنِ التَّابِعِينَ، وَمَنْ تَبِعَهُمْ بِإِحْسَانٍ
إِلَى يَوْمِ الدِّينِ، وَعَنَّا مَعَهُمْ بِعَفْوِكَ وَكَرَمِكَ وَإِحْسَانِكَ يَا أَرْحَمَ الرَّاحِمِينَ.

اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ
وَالْأَمْوَاتِ،

اللَّهُمَّ آمِنَّا فِي أَوْطَانِنَا، وَأَصْلِحْ وَاحْفَظْ أَيْمَتَنَا وَعُلَمَاءَنَا وَوُزَرَائِنَا وَوُلَاةَ أُمُورِنَا.

اللَّهُمَّ وَفِّقْهُمْ لِمَا فِيهِ عِزُّ دِينِكَ وَنَصْرُ شَرِيعَتِكَ، اللَّهُمَّ اجْعَلْهُمْ هُدَاةً مُهْتَدِينَ
صَالِحِينَ مُصْلِحِينَ وَاشْمَلِ اللَّهُمَّ بِعِنَايَتِكَ وَتَوْفِيقِكَ عَلَى صَاحِبِ الْجَلَالَةِ،



Kebawah Duli Yang Maha Mulia Seri Paduka Baginda Yang di-Pertuan Agong, Al-Sultan Abdullah Ri'ayatuddin Al-Mustafa Billah Shah Ibni Almarhum Sultan Haji Ahmad Shah Al-Musta'in Billah dan Kebawah Duli Yang Maha Mulia Seri Paduka Baginda Raja Permaisuri Agong, Tunku Hajah Azizah Aminah Maimunah Iskandariah Binti Almarhum Al-Mutawakkil Alallah Sultan Iskandar Al-Haj;

وَكَذَلِكَ صَاحِبِ الْفَخَامَةِ،

Tuan Yang Terutama, Tun Dato' Seri Utama Ahmad Fuzi Bin Haji Abdul Razak, Yang di-Pertua Negeri Pulau Pinang.

اللَّهُمَّ ادْفَعْ عَنَّا الْبَلَاءَ وَالْوَبَاءَ وَالْغَلَاءَ وَالرِّيَاءَ، وَالرَّبَا وَالزُّنَا وَالزَّلَازِلَ وَالْمِحْنَ وَسُوءَ الْفِتَنِ مَا ظَهَرَ مِنْهَا وَمَا بَطَنَ عَنْ بَلَدِنَا هَذَا خَاصَّةً، وَعَنْ سَائِرِ بِلَادِ الْمُسْلِمِينَ عَامَّةً يَا رَبَّ الْعَالَمِينَ.

اللَّهُمَّ إِنَّا نَعُوذُ بِكَ مِنَ الْبَرَصِ وَالْجُنُونِ وَالْجُدَامِ وَمِنْ سَيِّئِ الْأَسْقَامِ، يَا أَرْحَمَ الرَّاحِمِينَ.

Ya Allah! Dengan sifat-Mu yang Maha Pemurah dan Maha Mendengar, jadikanlah kami dan keturunan kami orang-orang yang istiqamah mendirikan solat secara berjemaah serta mengeluarkan zakat dan melaksanakan waqaf melalui agensi milik penuh Majlis Agama Islam Negeri Pulau Pinang (MAINPP) iaitu Zakat Pulau Pinang (ZPP) dan Wakaf Pulau Pinang (WPP). Semoga sumbangan 10% daripada hasil kutipan Tabung Jumaat mingguan dari setiap masjid kepada Tabung Wakaf yang telah ditubuhkan, menjadi saham yang berkekalan manfaatnya, di dunia dan akhirat.

Ya Allah! Berilah petunjuk-Mu kepada kami dan pemimpin-pemimpin kami untuk memberikan khidmat bakti yang terbaik kepada agama, bangsa dan negara. Ya Allah! Kuatkan iman kami agar dapat



menghindari perbuatan khianat, salah guna kuasa dan harta, memberi atau menerima rasuah dan segala perbuatan durjana yang merosakkan kepentingan agama, masyarakat dan negara.

رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ.

عِبَادَ اللَّهِ! إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَايَ ذِي الْقُرْبَىٰ وَيَنْهَىٰ عَنِ الْفَحْشَاءِ وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ ﴿١٠﴾ فَادْكُرُوا اللَّهَ الْجَلِيلَ يَذْكُرْكُمْ،
وَاشْكُرُوا عَلَىٰ نِعَمِهِ يَزِدْكُمْ، وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ ﴿١١﴾